

## Git itop mke'a Juan

*Le'a ta ndadi'izh git itop mke'a Juan ndee ta unibe'e Dios gun be men. Ndab Juan le'a xa mke'a git ndee ndo' dub xagots wen no ndo' be xin xa, le'a ta wa gab dub xkwa'a be xmen Cristo, na tal gab-a le'a ta lid xagots wa nzhealbe bexa wa. Unab xa ndo' bexa nak xmen Cristo dubtsa kwe bexa ndo' gealngea maska kwa'ad be men nsaula'a nes ten Dios, le'a ndo' gizhliyo ndee uzhebpa kwa'ad bexa ukwi'in ncho.*

---

### **Juan mtu'ub dub git ndo' be xmen Jesús**

<sup>1</sup>Le'a na' ndee xa gox nke'a git ndee ndo' lu, dub xagots mti Dios, no ndo' bexa nak xin la. Le'a na' ta ugeaka nkwea' ladna itea bego. No iteanak bexa na nchando' gealngea ten Dios nkwea' ladna bega. <sup>2</sup>Le'a na' li nkwea' ladna bega, geal le'a beuna nchando' gealngea ten Dios, no idub tiemp nchando'ka beuna-yá. <sup>3</sup>Le'a na' na'ab ndo' Tad Dios no ndo' Jesucristo Xin Dios Xa Nibe'e, mas utsin gak bexa ndo' bega, no mas ikwea' ladna bexa bega, no gun bexa wen yoo ladna bega. No mas ige' ladna bega gealngea ten Dios, no mas ikwea' ladna bega be ltsa'a bega.

### **Nsabndo' ikwea' ladna beuna be ltsa'a beuna**

<sup>4</sup>Uzhebpa mten lad na' gor na mbín na' le'a ncho be xin lu ndunka lak ndab gealngea ten Dios, lak unibe'e Dios Xus beuna gun beuna. <sup>5</sup>Nat ndáp na' ndo' bego, ikwea' ladna beuna be ltsa'a beuna. Le'a ta ndee na'anpa dub ta tilaw ndo'ón beuna, le'a-yá dub ta polkata uni'í beuna. <sup>6</sup>Le'a tal beuna nkwea' ladna be ltsa'a beuna, le'a ta wa gab le'a beuna nxobgek ndo' Dios. Le'a ta wa lakka mbi'ín bega polta unibe'e Dios: ikwea' ladna beuna be ltsa'a beuna.

### **Bexa nluu ta na'anpa gealngea ten Cristo**

<sup>7</sup>Uzhebpa ncho be men ndun gealkwi'in ndo' gizhliyo, ndab bexa le'a Jesucristo na'anpa ngi'id ndo' gizhliyo cuent dub men. Le'a bexa na li ndadi'izh wa xa ukwi'in, no nka bexa ta nlad Cristo. <sup>8</sup>Bla'ach bega lá gak perdid be ti'in na li mbin besa lat bega wa, ndi ika'a bega itea be ta nlad Dios usa'a Dios ndo' bega.

<sup>9</sup>Le'a tal ton ito'o len ta ndab di'izh ten Jesucristo, cha gungea ladna xa stub ta xa'aga, le'a xa wa na'anpa xmen Dios. Ná le'a tal ton ndangea ladna lak mluu Jesucristo, le'a xa wa xmenka Dios Xus beuna no xmenka Xin Dios. <sup>10</sup>Tal le'a ncho bexa ilaya' lat bega, cha uluu xa dub ta xa'aga nak, lá ula'a bega yoo xa wa len lid bega, no ni lá inidi'izh bega ndo' bexa wa. <sup>11</sup>Tal le'a ncho bega inidi'izh ndo' bexa wa, le'a bega no ndunno bexa ta ugap wa.

### **Juan nlad ya'ina' bexa**

<sup>12</sup>Ncho sianta be ta'a nlad na' gáp na' ndo' bega, pareá lá nlad na' uke'a na'-yá ndo' git. Le'a na' ndi nlad gal ina' bega no gudi'izhno na' bega, ndontsa mas uzhe'eb iten ladna beuna.

<sup>13</sup>Le'a be xin beal lu stub xagots mti Dios wa no nidi'izh ndo' lu. Lika nak-a.

Las ilustraciones de las páginas 4, 6, 10, 24, 27, 44, 51, 83, 90, 92, 95, 96, 108, 126, 144, 154, 159, 161, 170, 183, 195, 221, 224, 242, 251, 253, 276, 286, 305, 308, 314, 318, 320, 324, 340, 346, 354, 355, 360, 368, 370, 374, 391, 398, 399, 493, 524, 555, 567 y 645 son propiedad de ©1978 David C. Cook Publishing Co., y son usadas con el permiso correspondiente.

Las ilustraciones de las páginas 64, 66, 131, 279, 330, 421, 426, 488, 497, 515, 583 y 585, por Louise Bass, son propiedad de ©The British & Foreign Bible Society, 1994.

Las ilustraciones de las páginas 296 y 641, por Horace Knowles, son propiedad de ©The British & Foreign Bible Society, 1954, 1967, 1972, 1995.

Primera edición  
El Nuevo Testamento  
Zapoteco de San Vicente Coatlán  
zpt 14-105 5C  
©2015 Wycliffe Bible Translators, Inc.  
Versión electrónica ©Wycliffe Bible Translators, Inc. 2015  
[www.scriptureearth.org](http://www.scriptureearth.org)

Usted es libre de: Compartir – copiar, distribuir, ejecutar y comunicar públicamente la obra bajo las condiciones siguientes:

Atribución. Debe reconocer los créditos de la obra de la manera especificada por el autor o el licenciante (pero no de una manera que sugiera que tiene su apoyo o que apoyan el uso que hace de su obra).  
No comercial. No puede utilizar esta obra para fines comerciales.  
Sin obras modificadas. No se puede alterar, transformar o generar una obra derivada a partir de esta obra.

<http://creativecommons.org/licenses/by-nc-nd/2.5/mx/>